

**Theologia Scholastica Secundum Viam Et Doctrinam D.  
Thomæ Aquinatis, Doctoris Angelici**

In Celebri Archiepiscopali Benedictina Universitate Salisburgensi, methodo  
& norma ibidem usitata publicè tradita, & in IV. Tomos digesta ; Qvorvm  
Primvs Tractat De Deo Vno Et Trino, Deq[ue] Creatura Angelica ...

**Mezger, Paul**

**Augustæ Vindelicorum, 1695**

§. I. Reprobatio positiva præsupponit demerita reprobi.

---

[urn:nbn:de:hbz:466:1-73455](#)

probatur, nam Psal. 118. David: *Bonum mihi,*  
qua humilitate. & glossa ex D. Augustino de-  
lumpta ad illud c. 8. ep. ad Rom. *Diligentibus*  
*DEUM omni cooperantur in bonum: usque adeo*  
*omni, ut si qui errora deviant, & exorbitant,*  
*tamen hoc ipsum faciat eis proficere in bonum,*  
*qua humiliores redirent atque cautores.*

Respondet. Etiam ex his plus non probari,  
quam quod bonus usus electorum, quo ex oc-  
cione lapsus in peccatum resurgent fortiores, ef-  
fectum prædestinationis, non ipsam permis-  
sionem lapsus, qua ex se non est beneficium, est

communis reprobis & electis, & pertinet ad pro-  
videntiam generalem etiam quoad materiale pect-  
ati, non ad speciale.

In forma nego minorem: non enim permisso  
peccati præparatur electis, siquidem præparatio  
significat supernaturale beneficium, quod per  
speciale providentiam ex intentione conferen-  
da salutis electo confertur, permisso autem pec-  
cati non est ex voluntate speciali & positiva bene-  
placiti, sed ex voluntate solum permisiva & ge-  
nerali.

## DISPUTATIO XIX.

DE

### Providentia reprobante.

Praedestinationi Doctor Angelicus art. 3. subnectit reprobationem: nam & ipsa  
pars Providentia Divina est, & cum oppositorum eadem sit disciplina, examinata  
natura prædestinationis subiecta est consideratio reprobationis, quam Magister in  
1. dist. 4. definit, quod sit *præscientia iniquitatis quorundam, & preparatio damnatio-*  
*nis errorum. Et rursus: præscientia malitia in quibusdam non finienda, & preparatio*  
*pena non terminanda. De qua proinde fit*

#### ARTICULUS I.

An reprobatio habeat sui causam in reprobo?

##### SUMMARIUM.

1. Congruentia reprobationis.
2. Ei pars altera providentia formaliter consitens  
in alia imperio.
3. Divisa reprobationis in positivam & nega-  
tivam.
4. Reprobatio positiva sequitur prævisionem de-  
meritorum.
5. Reprobatio negativa procedit prævisionem pec-  
cati personalis in reprobo.
6. Permissio peccati personalis est effectus repro-  
bationis.
7. Nemius sit iuxta per reprobationem negati-  
vam ante propria deverita.
8. An reprobatio negativa pro causa habeat pecca-  
tum originale?
9. Comparativa reprobatio non habet aliarn cau-  
sam, quam rationabilem DEI voluntatem.
10. Ad reprobationem negativam per se sufficit ti-  
tulus beneficii indebit.
11. Probabile est de facto in hominum reprobatio-  
ne acceptissime titulum peccati originalis.
12. Autoritat S. Angustini jungitur authoritas  
D. Thome.
13. Quomodo originale dici possit effectus repro-  
bationis?
14. Originale est ad aquata causa reprobationis ex  
S. Augustino.
15. Erratione.
16. Exponitur mens Concilii Trid. quomodo nihil  
damnationis sit in regeneratis.
17. Non sequuntur ex nostra sententia due contra-  
arie velutantes in DEO.

##### §. I.

###### Reprobatio positiva presupponit deme- rita reprobi.

A liquas creaturas rationales reprobari h. e. ad 1.  
aeterna supplicia deputati tam ex hominibus,  
quam Angelis, aperte constat ex Matth. 25. *Ite*  
*maledicti in ignem aeternum, qui preparatus est dia-*  
*bolo, &c. & pluribus aliis Scriptura locis. Cu-*  
*jus rei congruam rationem reddit S. D. hic q. 23.*  
a. 3. quod sicut ad generalem providentiam per-  
tinet, aliquem defectum in rebus permittere, ita  
spectet ad speciale providentiam, ut non tan-  
tum aliquos ordinet in vitam aeternam, sed etiam  
principie ad manifestandam magnitudinem suæ  
misericordia in electis, gratia necessitatem, ar-  
bitrii creati defectibilitatem, suæque justitiae pul-  
chritudinem, ut permittat aliquos ab ipso sine vita  
aeterna deficere, qua ratio delupta est ex Apo-  
stolo: Rom. 9. dicente: *DEVM sustinuisse in*  
*multa patientia vas ira, apta in interitum, ut*  
*offenderet divitias gloria sua in vase misericordie.*  
Ex iis quoque, qua de prædestinatione sunt dicta, 2.  
constat, reprobationem positivè acceptam esse  
partem objectivam Divinae Providentia; sicuti  
enim effectus glorificationis aliquorum debet  
præexistere in Divina Providentia prædestinante;  
ita effectus damnationis aliquorum in Divina  
providentia reprobante: qua de causa etiam con-  
sistit formaliter in actu immanente intellectus  
practicus (quem imperium vocamus) permissionem  
peccati & finalis impenitentia ordinantis in  
ostendit.

ostenzionem Divinæ justitiae : præsupposito tam & connotato duplice potissimum actu voluntatis , quorum unus dicitur decretum exclusivum à gloria , & alter decretum permisivum tam primi quam ultimi peccati sive finalis imponentia.

3. Dixi reprobationem *positivam*. Solet enim reprobatio dividī in positivam & negativam. Negativa est decretum denegativum gloriæ tanquam beneficii indebiti ; ac dicitur negativa , non ex eo , quasi negatio sit ex parte DEI & actus ; sed quia pro objecto habet negationem gloriæ , sive exclusionem à gloria ; hac opponitur electionis ad gloriam , in eodem quippe signo rationis , in quo unus misericorditer eligitur ad gloriam , alius justâ DEI voluntate relinquuntur in massa perditionis . h. e. in cumulo hominum vi peccati originalis ab aeterna hereditate extorrium. *Positiva* verò reprobatio , qua etiam dicitur *punitiva* , includit decretum infingendi penam aeternam ( sive sit sola pena damni , sive sit conjuncta cum pena sensus ) quæque de causa vocatur *positiva* , quia ponit in reprobatione effectum damnationis.

4. Hac prænotata divisione reprobationis , positi-  
ma est controversia. An reprobatio præcedat demeritorum prævisionem , sicuti de electione ad gloriam dictum est , quod antevertere metitorum prævisionem ? Et siquidem de reprobatione positi-  
va sit letmo ; *Dicendum est* , cander non fieri ante prævisa demerita , sive peccata. Ita S. D. in 1. sent. ad Annibald. dicens : *vulnus damnationis respicit rationem voliti ex parte damnati* , *cum damnatio ex debito inferatur*. Idem docet lect. 2. in epist. ad Rom. c. 9. *Praesentia* , inquit , peccatorum potest esse aliqua ratio reprobationis ex parte penæ , que preparatur reprobatis , in quantum scilicet *DEVS* proponit se puniuntur malos , propter peccata , quæ à se ipsi habent , non à DEO .

Colligitur ex Concil. Valentino c. 3. dicente. Fidenter fatemur prædestinationem electorum ad vitam , & prædestinationem impiorum ad mortem : in electione tamen salvandorum , misericordiam DEI præcedere meritum bonum ; in damnatione autem peritiorum , meritum malum præcedere iustum judicium.

Huc faciunt graves S. Script. sententiæ . ut Sap. 1. *Quoniam DEVS mortem non fecit , nec latratur in perditione vivorum*. OI. 13. *Perditio tua (ex te) Israël : tantummodo in me auxilium tuum*. Il. 59. *Iniquitates vestre divisorunt inter vos & DEVIM vestrum* Ezech. 18. *Nunquid voluntatis mea est mors impiorum ? in eundem sensum D. Augustinus l. 3. contra Jul. c. 8. Bonus est DEVS , iustus est DEVS : potest sine bonis meritis liberare , quia bonus est ; non potest sine malis meritis damnare , quia iustus est*.

Quibus verbis rationem nostræ assertionis insinuat : *Penam decernere ante demeritum , innocentis injurya est ; sed impossibile est , ut DEUS inferat injuriam innocentem , qui non aliud spectat in damnatione reprobatorum , quam Divinæ sua iustitiae manifestationem*. Ideo iterum S. Augustinus epist. 106. *Quemquam immeritum , & nulli obnoxium peccato si DEVS damnare creditur , alienus ab iniquitate non creditur*.

## §. II.

*Reprobatio negativa antevertere peccatum personale.*

D E negativa verò reprobatione oppositum est sentendum , videlicet antevertere prævisionem peccati personalis in reprobatione. In codice quippe signo aliqui relinquentur in massa perditionis , & excluduntur à gloria , in quo signo aliqui misericorditer eliguntur ad gloriam : sed illud signum antecedit prævisionem meritorum justiæ dicta in disput. præced. ergo aliquorum exclusio à gloria , quæ est ipsi reprobatio negativa , præcedit prævisionem demeritorum.

Secundum permisio peccati est quasi effectus reprobationis : & finis intentus à DEO in reprobatione , est excludere reprobus à regno celorum , ad ostensionem suæ iustitiae in reprobatis , & misericordia in electis ; sed , ut dictum , finis est prædictus intentus , quædam media : igitur permisio & prævisio peccatorum personalium est posterior , quam exclusio à gloria , seu reprobatio negativa.

Neque per hoc DEUS cuicunque facit iniuriam ; cum salus æterna præcipue post originem peccatum nulli sit debita , veluti in clavis terminis uidit S. Thomas loco supra cit. ad Annibald. *Vulnus Divina de salute hominis duplex voluntu opponi videtur : scilicet voluntas decontradictiva , secundum quam vult aliquem non salvare , & voluntas de contrario , secundum quam vult aliquem damnare*. Prima quidem voluntas non requiri aliquam rationem ex parte voliti , *cum salus gloriam non sit debita natura humana* : non enim requiri ratio , quare non debet alicui , quod dare non debet. Sed voluntas damnationis reprobationis voluntas ex parte damnati ; *cum damnatio ex debito inferatur*.

Quod ipsum ex celebri illo Apostoli loco Rom. 9. de duabus fratribus Jacob & Esau dicens : *Cum nondum nati fuissent , aut aliquid boni vel male fecissent , non ex operibus , sed ex vocante dictum est : Jacob dilexi , Esau autem odio habui* , erit uterque S. Doctor August. epist. 105. & q. 2. at Simplic. & S. Th. supra eundem locum lect. 2.

De reprobatione verò negativa quid sentendum ? Trifariam dividuntur in suis sententiis Discipuli S. Thomas. Unam causam reprobationis , DEI beneplacitum & titulum indebet gratias agnoscat Contensonus : ex opposito peccatum originale in parvulis & adultis , etiam quibus originale per baptismum remittitur pro causa reprobationis saltet in intentione admittit Go. causam. Causam inadæquatam in iis solidam perseverantem , qui baptismi gratiam non receperunt , esse peccatum originale tuerit Gonet.

Distingendum est in primis inter reprobationem comparativam , quæ unus potius reprobatur , quam alius , & inter absolute sine comparatione ad alium. Et si de prima loquamur , tandemnam habet sui causam ex parte reprobationis , sed unicam ex parte DEI , occultissimam nimis rursum , rationabilem tamen voluntatem ; ad quam configit ipsa Apostolus ad Rom. c. 9. cùmque exponens S. D. superè citatus inquit : *quare hunc eligit , & illas reprobat ; non habet rationem , nisi Divinam voluntatem*. Neque enim peccatum personale potest